

ՎՃԱՐՈՎԻ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ

Ք. Երևան

«29» հուլիս 2025թ.

ՀՀ ՇՄՆ Էկոպարեկային ծառայությունը այսուհետ՝ «Պատվիրատու», ի դեմս գլխավոր քարտուղար Լ.Ալեքսանյանի, որը գործում է ծառայության կանոնադրության հիման վրա մի կողմից, և «Գույքի գնահատման և աճուրդի կենտրոն» պետական ոչ առևտրային կազմակերպությունը այսուհետ՝ «Կատարող», ի դեմս Գլխավոր տնօրեն Ա.Խլոյանի, որը գործում է կազմակերպության կանոնադրության հիման վրա, մյուս կողմից, կնքեցին սույն պայմանագիրը հետևյալի մասին:

1. Պայմանագրի առարկան

- 1.1 Սույն պայմանագրով՝ Կատարողը, հիմք ընդունելով ՀՀ ՇՄՆ Էկոպարեկային ծառայության գլխավոր քարտուղար՝ Լ.Ալեքսանյանի 28.07.2025թ N 2-06/304-25 գրությունը, պարտավորվում է Պատվիրատուի հանձնարարությամբ կատարել ՀՀ Լոռու մարզ, համայնք Ալավերդի ք., Սայաթ-Նովա փողոց 3/8 հասցեում գտնվող շենքի 2-րդ հարկից 51.7 քառ. մ մակերեսով տարածքի ամսական վարձավճարի շուկայական արժեքի գնահատում՝ վարձակալությամբ տրամադրելու նպատակով, այսուհետ «Ծառայություն», իսկ Պատվիրատուն պարտավորվում է վճարել այդ աշխատանքի համար:
- 1.2 Աշխատանքների կատարման ժամկետն է սույն պայմանագրի ուժի մեջ մտնելու պահից մինչև 2025թ. օգոստոսի 19-ը: Կատարողը կարող է աշխատանքը կատարել ժամկետից շուտ:
- 1.3 Ծառայությունը մատուցված է համարվում Պատվիրատուի կամ նրա լիազոր ներկայացուցչի կողմից վճարովի ծառայության մատուցման հանձնման-ընդունման ակտի ստորագրման պահից:

2. Կողմերի իրավունքները և պարտավորությունները

2.1 Կատարողը պարտավոր է՝

- 2.1.1 Ծառայությունը մատուցել պատշաճ որակով.
- 2.1.2 Ծառայությունը մատուցել ամբողջ ծավալով սույն պայմանագրի 1.2 կետում նշված ժամկետում.
- 2.1.3 Ծառայությունը (գնահատումը) իրականացնել առաջնորդվելով ՀՀ քաղաքացիական օրենսգրքով, «Անշարժ գույքի գնահատման մասին» ՀՀ օրենքով, ՀՀ գնահատման մասին ստանդարտով և այլ նորմատիվ իրավական ակտերով.
- 2.1.4 Անձամբ կատարել Ծառայությունը:

2.2 Կատարողը իրավունք ունի՝

- 2.2.1 Պահանջել Պատվիրատուից գնահատվող գույքի վերաբերյալ անհրաժեշտ (լրացուցիչ) փաստաթղթեր.
- 2.2.2 Ցանկացած ժամանակ հրաժարվել Ծառայությունը կատարելուց, եթե Պատվիրատուն չի կատարում 2.3.1 կետի պահանջները:

2.3 Պատվիրատուն պարտավոր է

- 2.3.1 Ապահովել գնահատվող գույքի մասին լիարժեք և հավաստի տեղեկատվության տրամադրումը Կատարողին.
- 2.3.2 Կատարած Ծառայության դիմաց վճարել սույն պայմանագրի 3.1 կետում նշված գումարը՝ գույքի շուկայական արժեքի գնահատման հաշվետվությունը ստանալու պահից 5 օրվա ընթացքում:

2.4 Պատվիրատուն իրավունք ունի

- 2.4.1 Ցանկացած ժամանակ ստուգել Կատարողի Ծառայության ընթացքը և որակը՝ առանց միջամտելու նրա գործունեությանը.
- 2.4.2 Ցանկացած ժամանակ հրաժարվել պայմանագիրը կատարելուց՝ Կատարողին վճարելով սահմանված գնի 10%-ի չափով տուգանք:

3. Պայմանագրի գինը և հաշվարկների կարգը

- 3.1 Սույն պայմանագրով կատարված Ծառայության համար Պատվիրատուն Կատարողին վճարելու է 60 000 /վաթսուն հազար/ ՀՀ դրամ գումար՝ ներառյալ ԱԱՀ-ն.
- 3.2 Պատվիրատուի կողմից Կատարողին պայմանագրային գինը վճարվում է սույն պայմանագրում նշված Կատարողի հաշվարկային հաշվին փոխանցելու միջոցով:

4. Կողմերի պատասխանատվությունը

- 4.1 Սույն պայմանագրի 1.2 կետում նշված Ծառայության մատուցման ժամկետը խախտելու դեպքում Կատարողը Պատվիրատուին վճարում է տուգանք՝ պայմանագրի արժեքի 5%-ի չափով և տույժ՝ կետանցի յուրաքանչյուր օրվա համար 0.15%-ի չափով.
- 4.2 Սույն պայմանագրի 2.3.2 կետում նշված ժամկետը խախտելու դեպքում Պատվիրատուն Կատարողին վճարում է տուգանք՝ պայմանագրի արժեքի 5%-ի չափով և տույժ՝ կետանցի յուրաքանչյուր օրվա համար 0.15%-ի չափով.
- 4.3 Տույժի վճարումը կողմերին չի ազատում իրենց պարտավորությունները կատարելու և խախտումները վերացնելու պատասխանատվությունից:

5 Անհաղթահարելի ուժի ազդեցությունը /ՖՈՐՍ - ՄԱԺՈՐ/

Սույն պայմանագրով պարտավորություններն ամբողջությամբ կամ մասնակիորեն կատարելու համար կողմերն ազատվում են պատասխանատվությունից եթե դա եղել է անհաղթահարելի ուժի ազդեցության հետևանքով /ՖՈՐՍ- ՄԱԺՈՐ/, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել:



Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծելու պայմանագիրը՝ այդ մասին նախապես տեղյակ պահելով մյուս կողմին:

6. Վեճերի լուծման կարգը

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատական կարգով:

7. Եզրափակիչ դրույթներ

- 7.1 Սույն պայմանագրում ցանկացած փոփոխություն և լրացում վավեր է, եթե դրանք կատարված են գրավոր և ստորագրված՝ Կողմերի կողմից: Սույն պայմանագրի հավելվածը դրա անբաժան մասն է.
- 7.2 Սույն պայմանագիրը կազմված է հավասարազոր իրավաբանական ուժ ունեցող 2(երկու) օրինակից, յուրաքանչյուր կողմի մոտ գտնվում է մեկական օրինակ:

Կողմերի հասցեները, բանկային վավերապայմանները և ստորագրությունները
ՊԱՏՎԻՐԱՏՈՒ ԳԱՏԱՐՈՂ

ՀՀ ՇՄՆ Էկոպարեկային ծառայություն

Հասցե՝ ք. Երևան, Ա.Արմենակյան

ՀՎՀՀ 00476409

ՀՀ ՖՆ թիվ 1 ՏԳԲ

Հ/Հ 900011023265

Գլխավոր քարտուղար

Լ. Ալեքսանյան


«Գույքի գնահատման և աճուրդի կենտրոն» ՊՈԱԿ

Հասցե՝ ք. Երևան Զաքիյան 10

ՀՎՀՀ 02562123

ՀՀ ՖՆ Երևանի թիվ 1 ՏԳԲ

Հ/Հ 900018002981

Գլխավոր տնօրեն

Ա. Սահակյան




ՀԱՆՁՆՄԱՆ-ԸՆԴՈՒՆՄԱՆ

ԱԿՏ

Ք. Երևան

04.08.2025 թ.

Սույն Ակտով 29.07.25թ. կնքված «Վճարովի ծառայությունների մատուցման» թիվ 25/07/01 պայմանագրի կողմերը՝ ՀՀ ՇՄՆ էկոպարեկային ծառայությունը և «Գույքի գնահատման և աճուրդի կենտրոն» ՊՈԱԿ-ը, հավաստում են, որ պայմանագրով նախատեսված աշխատանքները կատարվել են ամբողջությամբ և ընդունվել Պատվիրատուի կողմից:

Կողմերի հասցեները, բանկային վավերապայմանները, սպորազրույթությունները

ՊԱՏՎԻՐԱՏՈՒ

ԿԱՏԱՐՈՂ

ՀՀ ՇՄՆ էկոպարեկային ծառայություն

«Գույքի գնահատման և աճուրդի կենտրոն» ՊՈԱԿ

Հասցե՝ ք. Երևան, Ա.Արմենակյան

Հասցե՝ Ք.Երևան Զաքիյան 10

ՀՎՀՀ 00476409

ՀՎՀՀ 02562123

ՀՀ ՖՆ թիվ 1 ՏԳԲ

ՀՀ ՖՆ Երևանի թիվ 1 ՏԳԲ

Հ/Հ 900011023265

Հ/Հ 900018002981

Գլխավոր քարտուղար

Գլխավոր տնօրեն

Լ.Ալեքսանյան

Ա.Խլոյան

